

四庫全書

史部

欽定四庫全書

姑蘇志卷二十五

明 王鏊 撰

兵防

吳非用武地而濱江帶海亦東南要陸也宋元兵防頗詳自歸附後朝廷立制守城備倭分列營寨又置巡檢司以事察捕今具述之而舊蹟稍存其槩云

指揮使司有三

蘇州衛指揮使司吳元年立

天兵平張氏即以所俘士建衛命指揮使吳良掌之隸
中軍都督府所轄五千戶所共統軍士五千六百名
其署在飲馬橋西即宋府倉基元淮南行中書省左
中二千戶所在正堂東右前二千戶所在正堂西鎮
撫廳在中門西經歷司在堂右旗壽縣廟在中門東鎮
撫司獄在衛治西北穀市橋西軍器局在衛治內西
左千戶所營在封門內

右千戶所營在閶門內

中千戶所營在盤昏二門內

前千戶所營在婁齊二門內

後千戶所分立為嘉興守禦千戶所

衛倉在西北隅即元百萬倉基國初指揮使吳良置
今附永豐倉

教場在北城下報恩寺後內有將臺上有演武廳

太倉衛指揮使司吳元年立命指揮同知朱文掌之隸

前軍都督府初設十千戶所共統軍士萬一千二百
名洪武四年併為左右中前後五所衛署在太倉城
中鎮民橋西即元水軍都萬戶府經歷司在正廳東
知事廳在正廳西武成王祠在儀門東

軍器庫在衛治西

鎮撫廳在衛治西

內有司
房監房

左右二千戶所俱在衛東南

中千戶所在衛西南

前千戶所在衛東

後千戶所在衛東南

倉在衛西二百九十步洪武二十年指揮高曉建

教場在小北門內中有將臺上立演武亭

鎮海衛指揮使司洪武十二年分太倉衛官軍之半命
指揮僉事曹勝掌之隸前軍都督府統左右中前後
五所衛署在太倉城內武陵橋北即元市舶提舉司
也軍器庫在廳後武成王祠在廳東南

經歷司在衛西

鎮撫廳左右司房俱在衛西監房在衛東南

左千戶所在衛西北

右千戶所在衛西南

中千戶所在衛東

前千戶所在衛東北

後千戶所在衛西

教場在小北門內與太倉衛教場相連內有將臺上

有演武廳

守禦千戶所有二

崇明守禦千戶所洪武二年立隸中軍都督府統軍士
一千一百二十名永樂十四年倭入寇發鎮江鎮海
二衛軍士千餘以百戶十員率之來禦遂隸本所守
城其舊戍兵發屬水寨備倭治署在惠政坊有東西
吏房

鎮撫司廳在所堂西南

百戶所在所門內

教場在城東北三里內有將臺上有演武廳

吳淞江守禦千戶所在嘉定縣東南四十里洪武十九年滎陽侯鄭遇春與鎮海衛指揮朱永建隸中軍都督府二十二年千戶周傑復建譙樓廳門倉庫初元以分鎮萬戶府為治所後撤造太倉軍儲倉委鎮海衛官并差軍更番守禦至是乃有定居軍器局在所東南

演武場在所西北內有將臺上有演武亭洪武二十四年千戶楊弘建

寨有五

白茆寨在常熟縣東北九十里海口天順五年鎮守都指揮使翁紹宗奏置每春夏蘇州衛分委指揮一員千戶二員百戶四員領軍士四百餘人至此操練備倭置船四艘巡哨官軍俱至秋末還衛又立教場備官醫療疾成化十八年都指揮郭鉉復立營寨二十

一年又造官廳鼓樓軍房

劉家港寨今稱水寨在劉家港海口即婁江也去崑山縣東七十里與嘉定接境河北岸元置分鎮萬戶府至正初又於江南北岸各立萬戶府共三衙國朝罷萬戶府置巡檢司三每司設弓兵百名又立烽堠六正統初金山有警侍郎周忱都指揮翁紹宗議此為吳地喉襟乃設寨蘇州衛分委指揮一員千戶二員百戶四員領軍士五百人海船八艘巡哨備倭又開

教場操練悉如白茆制成化十八年都指揮郭鉉增
立城堡廳房

青浦寨二在嘉定縣東南四十五里八都青浦洪武十
九年鎮海衛指揮朱永建堡城高一丈六尺廣二丈
五尺闊一丈周迴一百八十步鎮海衛分委指揮一
員千戶二員百戶四員領軍士四百人守備一與前
堡對峙洪武三十年太倉衛指揮劉源奏建令太倉
衛撥官軍守備如前正統初翁紹宗遣太倉官軍守

崇明遂委鎮海衛官軍兼管紹宗又與巡撫周忱累
加修築增造官廳軍房

水寨在崇明沿海本處千戶所委千百戶領軍士一千
人管駕船出海巡哨

營有二

長沙營在崇明縣東北四十五里海中為土堡一內設
煙墩一座上為二鋪戍卒二十名瞭望分委千戶一
員百戶二員軍士二百人駐劄守備官廳營房皆具

明威坊營在崇明縣治西明威坊內太倉衛分委指揮
一員千戶二員百戶四員領軍士四百人駕備倭船
十艘守備

指揮官廳下百戶
分廳軍房咸備

又小船十馬八十四正

統八年翁紹宗奏置

墩臺有二百三十四

隸巡檢司者
各繫其下

崇明縣沿海共七十一處環東南北海岸每處相距二
里築土壘高五丈周圍二十丈上建屋一間軍士五
人簞五束晝夜守望正統初翁紹宗置

煙墩在崇明縣其制大畧同前

國四
十丈

沿海八座

上港

南海

曾姚港

張家港

下界泖港

大套

清潭港

西沙十座

盧志作
東沙

下椿港

東滑

鍾家窰

出水套

鰕港

水竇港

南大港

陳八港

沈漣浜

潭子港

巡檢司有二十九

吳塔巡檢司在齊門外蠡口舊在吳塔移此

管閭門下塘山塘并

婁齊二門外

陳墓巡檢司在陳湖東

管對門外獨墅大姚至角直浦已上屬長洲縣

木瀆巡檢司在縣西二十七里木瀆鎮

管閭胥盤三門外木瀆橫塘新

郭三鎮

橫金巡檢司在縣西南四十二里橫金村

管二都三都并沿太湖地

角頭巡檢司在縣西南八十五里洞庭西山上

管洞庭西山

東山巡檢司在洞庭東山成化中巡撫王恕奏置

管洞庭東

山已上

屬吳縣

石浦巡檢司在縣東南四十里泖川鄉七保石浦鎮宗

祥符間設國朝洪武間於真如觀署事二十二年巡

檢舒琇始建景泰二年移置千墩浦口煙墩十一座

石浦口

夏駕口

陸巷涇

唐梨涇

新塘口

張浦口

刁婁舍

太直港口

諸天浦口

潭港口

千墩浦

巴城巡檢司在縣西十五里朱塘鄉三保高墟村洪武
三年置今徙置真義村煙墩十二座

狀元涇

綽墩

圓村

真義

夏尖

景村

黃巷

李長墳

新村

嚴家橋

俞港村

徐公橋

已上崑山縣

白茆巡檢司在縣東北九十里抵海洪武初置煙墩十

一座

白茆港口

新河

北港

金涇

唐浦

舊衙前

雙浜

义塘

長毫

芝塘

河舍

黃泗浦巡檢司在縣西北八十里抵揚子江煙墩九座

顧沙港

黃泗浦港西 洋柵

新莊港

奚浦港

西洋浦

黃港

小陳浦

黃泗浦港東

福山港巡檢司在縣北四十里北抵揚子江東抵海煙墩十座

墅橋

新婦

陳浦

福山港口

頂山

龍王廟

曹橋廟

曲塘

興福

興塘涇

盧作新塘

許浦港巡檢司在縣東北七十里北抵揚子江東抵海

煙墩十五座

青墩

大弘

衙後

耿涇

九里

尚墅

陶舍

丁涇塘

雙廟

四义

低壩

徐巷

盧作港

十里程

勝法

海洋塘

已上常熟縣

長橋巡檢司在縣東二里松陵驛東

管三都東西二十都二十五都

簡村巡檢司在縣東南十五里充浦

管一都二都
四都十九都

因瀆巡檢司在縣東南一百里吳淩村

管五都六都
七都八都

震澤巡檢司在縣東南八十五里震澤鎮

管九都十都
十一都十二

都

平望巡檢司在縣東南四十五里平望鎮

管十八都二
十都二十一

都二十二都

二十四都

汾湖巡檢司在縣東北四十五里蘆墟村

管二十八都
二十九都

同里巡檢司在縣東北十五里同里鎮

管二十六都
二十七都

爛谿巡檢司在縣東南九十里嚴墓村

管十四都十五都十六都十七

都已上

吳江縣

顧逕巡檢司在縣東三十里煙墩四座

月浦

爛倉

顧徑溝

盧作經港

五岳塘

吳塘巡檢司在縣西南三十六里煙墩九座

青岡

黃泥涇

外岡

城西

石門岡

馬陸

馮家橋

黃渡

沙岡

江灣巡檢司在縣東南六十里煙墩一十七座

沙浦

湯字圩

呂字圩

生字圩

南翔

周家浜裏

周家浜外

衣有字圩

致字圩

東潛字圩

中潛字圩

西潛字圩

大場

胡陸灣

江灣

五聖廟

秦家店

已上嘉定縣

茜涇巡檢司在州東北四十五里湖川鄉即宋楊林寨
吳元年改煙墩五座

七浦塘

花浦口

謝家塘

楊林塘

大赦口

唐茜涇港口巡檢司在州東北五十四里新安鄉即崑
山鎮巡檢司洪武七年設成化間遷置東花浦口煙
墩十二座

日字圩

向字圩

露字圩

新字圩

職字圩

空字圩

風塘

上杜

寒字圩

同字圩

吳字圩

李字圩

劉家港巡檢司在州東七十里煙墩六座

楊家橋

薛市門

小錢門

二十三都

二十五都

二十六都

甘草巡檢司在州東七十里東抵海煙墩四座

黃浜

唐茜涇

錢涇

陸鳴涇

已上太倉州

西沙巡檢司在縣西八十里煙墩十三座

南沙

薛家港

茆五港

第八港

第九港

界溝港

水洪港

道堂港

陳子中港

秦墳港

川洪港

石家浜

第三小桐板

三沙巡檢司在縣北五十里煙墩七座

長敢

徐公浜

清水浜

北新河

新港

北白滑

滄澱

已上崇
明縣

海運總兵公館在太倉城東半涇東洪武七年靖海侯

吳楨建今廢

甲仗庫在太倉東門外亦吳楨建今廢

宋軍制大畧

宋初選驍勇送補禁衛餘留本城康定初置宣毅軍慶

歷中募健勇或選廂軍以為宣毅蘇州一指揮熙寧
三年改威果嘉祐四年詔置禁軍三指揮其新招者
以威果為額大觀二年詔望郡別屯一千人一為威
果一為全捷並以步軍五百人為額四年撥杭州威
果第二第三指揮蘇州駐劄宣和二年因討睦寇仍
以全捷兩指揮為杭州東南第三將駐劄宣和四年
方臘之亂詔增戍將五年下江浙諸州各置威果全
捷兩指揮隸侍衛步軍

禁軍

威果第二十八指揮

元額五百一十人在萬壽寺北

威果第四十一指揮

元額四百一十人在社壇東

威果第六十五指揮

元額四百一十人在報恩寺西

雄節第九指揮

元額五百一十人在府學南

全捷第二十一指揮

元額四百一十人在城西北鴻橋西李壽朋申補新軍省劄節文訪

得禁軍原額二千三百三十人

今在籍者一千七百

五人而已壽朋多方招募刺到六百三十人填足元

額分番教閱立格激賞又國家置弓手土兵以警賊

盜本府寨多闕額已招填到四十八人外如廂軍遞

鋪又收刺到八十一人併令閱習一體支賞證得月給錢米春冬衣賜賞射支犒一歲約十萬餘緡並本府自行計置不敢上瀆朝廷省劄證得平江府先招禁軍伍百人今又招到六百三十人合證鎮江府例令為一軍分立隊伍別選將官專管訓練不許諸司州官等差借私役吳門事類云紹定間吳淵為湖西提刑一新吳之營壘又請于朝得放收曠地并徹而治之號曰新營使兵卒各歸行伍安其室家不雜處于民間也復市田千餘畝司之廩人為軍中吉凶之費

廂軍

廂軍者諸州之鎮兵各隸本城專以給役內總于侍衛司而兵部掌其政令

崇節第九指揮

崇節第十指揮

崇節第十一指揮

崇節第十二指揮

熙寧二年令兩浙廂軍崇節加教閱二字於軍額元豐四年詔兩浙步軍

自捍江而下三並改號崇節凡為五十一指揮總一萬九千人

橫江指揮

紹興五年令臨安平江等處抬置水軍教習戰船以備禦敵以五百人為額橫江為名

寧節第三指揮

係養老將校初與牢城為一乾道九年賜額

城下開江指揮

初五代錢氏置都水營田使主水事募卒為都號曰撩淺亦云撩清指揮宋因

之有卒千人為兩指揮第一指揮在常熟第二指揮在崑山一在吳江南城范仲淹疏亦云曩時蘇州營田領四都共七八千人導河築堤以減水患嘉祐四年置開江兵立吳江常熟崑山城下四指揮各二百

人八年兩浙轉運司請撥望亭廢隘兵隸蘇州開江
指揮修至和塘元豐六年定以八百人分市諸浦逐
開執役崇寧四年蘇湖秀三州開江兵共一千四百
人并使臣二員宣和二年提舉趙霖興修水利四指
揮添置共二千人朱勔進花石綱盡奪以往建靖之
後不復招填紹興二十九年因蔣璨言命監察御史
任古於常熟崑山各招填一百人其後止有城下吳
江兩指揮兵士百餘乾道初轉運判官陳彌祚知府
沈度請仍招置兵士
常熟崑山各百人

壯城指揮 熙寧八年置元豐三年勅壯城兵士大城五
十人小城三十人專充修城元豐元年置壯

城兵士列郡三百人政和三年
增置崇寧五年置壯城指揮

中軍鼓角指揮

元二十
五人

作院指揮

元額一百人熙寧元年
置與壯城並隸工部

鄉兵山水寨

並建炎後置即巡檢寨土軍各一
百四十四名保伍中取之三丁籍

一亦名義兵歲以十月起聚教至
正月終散人日給錢百米二升

吳長寨

角頭寨在吳縣西南九十里

福山寨在常熟縣北四十里

許浦寨在常熟縣東七十里臨江

平望寨在吳江縣南四十里

楊林寨在崑山縣東北八十里

有閱武亭紹興四年巡檢和通建范霄記

江灣寨在崑山縣東南二百里

白茆寨

牧馬寨

大寨八小寨十七散在城內每歲四月差統兵官總轄

牧放九月回

總轄衙在定慧寺西初殿前司奏乞令平江府買民田為寨地既許之給事中

賀允宗言此田皆上腴民豈肯售乞以係官荒地與之詔所占田令府司優償其直舊有軍厰茆屋數千區歲以民財更葺紹興十八年殿帥楊存中乞於平江添蓋馬屋詔官給造二十八年命平江府以係省

錢改瓦屋二千五百間蔣瓌請內帑佐費詔以御前
激賞庫錢七千緡賜殿前司既又益五萬二千緡付
逐軍
自蓋

水軍寨

御前許浦水軍寨在常熟許浦鎮額管官兵一萬二

千人

一云四千

分為四軍八將六十二隊於內分撥三

百人江陰駐劄

初建炎以來水軍戍江陰許浦福山無定所而江陰官兵分屯明州定海

紹興二年呂頤浩乞命仇愈等專管浙西乃以愈為
福建兩浙淮東沿海制置使置司許浦六年梁汝嘉
為浙西沿海制置以王彥副之九年併歸浙東安撫
司十年知平江府梁汝嘉兼浙西沿海制置使三十

一年兩浙西路馬步軍副總管江陰軍駐劄李寶駐
軍許浦涉海進山東奏捷仍駐江陰乾道中改隸殿
前司以三千人為額五年改為御前水軍六年李彥
椿自江陰移屯許浦統制馮湛申許浦鎮建寨萬間
又請水軍統制以平江府許浦駐劄繫銜七年詔以
七千人為額八年併歸許浦鎮置副都統制領之淳
熙三年湛請再招收千人詔增額五百五年于友乞
增額五百人十五年許浦水軍統制胡世安乞依舊
歸定海紹熙元年發到福州寄招梢斫水手三百二
十人又一百八十人付司收刺嘉泰四年令招募情
願充應販倭人二十人開禧二年馮拱申海船百隻
水手不敷乞招收三色軍五百人又乞招收藝精有
識百人刺充効用並依嘉定十五年都統制吳英乞
增招梢斫水手八百四十人刺充勝捷吐渾與元管
軍兵總以萬人為額江陰亦有許浦都統司防
禦兵船紹定三年樞密院劄下本軍權行節制

顧逕水軍寨寶慶元年許浦都統制吳英請分屯左軍

以四千人為額

顧逕在許浦東百里與黃魚塍相望轉料角越窖抵山東海界初陳緒禽

王駱有軍五百人留中于此淳熙十一年殿前司奏本司水軍駐許浦許浦所管南船寄泊青龍人船離遠欲移戍崑山顧逕港建寨量於許浦差撥人去居止從之十三年殿帥郭棣乞將本軍大南船二十二隻依舊就顧逕安泊差撥官兵千人戍守及差輕捷漕船四隻不時與黃魚塍出戍兵船往來巡捕寶慶元年英申請元許浦撥兵二千人於顧逕著隘防捍抽差不常止餘千人乞增招稍斫官兵二千人分屯左軍共四千人為額初顧逕有甲士五百人其後增五百人隸以正將又增千轄以統領至是英始請增募以二千人為正五百人為奇見戴棚記蓋當時奏請四千人其二千五百人乃定數耳

忠順官寨在報恩光孝寺後淳熙二年建

御前拱衛水步軍寨在北寺東景定初創

御前遊擊軍寨

元額三千人或五百人

御前忠勁軍寨

元額一千五百人並在北寺西寶祐中創

忠節水軍寨三

福山

魏江

江灣

淳祐九年浙西安撫使趙與愚乞於三處各置戍兵三百人以

防江面從之隸提刑司一云額管五百人其江灣寨在嘉定縣東南吳淞江口其東又築防海土塘上有

亭名曰吸川巡檢司在寨東市上

吳長兩縣巡檢廨舍在閭門外西北許墅去縣二十七里見舊圖經

崑山縣教場在尉司西立演武亭在教場內淳祐十二年項公澤重建

元軍制大畧

鎮守平江十字路萬戶府翼在卧佛寺西有鎮撫所及

各千戶翼

鎮撫所理本府軍大名翼

廣平翼

淄萊翼

東平翼

河間新軍翼

河間舊軍翼

濟南新軍翼

濟南舊軍翼

已上諸翼並在萬戶府左右設置各治

本處所附

軍戶事

許浦通事漢軍萬戶府在本處

奧魯翼在草橋北

係杭州益都萬戶府所
委管領平江新附官軍

水軍都萬戶府在崑山州

支分兵馬司在舊崑山州治東舊稱花園堂地

崑山縣所屬巡檢司四所在城崑山石浦楊林

鎮守長橋鎮江水軍萬戶府在吳江長橋

至正十三年
丞相巴延引

兵南下命千戶甯玉等部

卒復修長橋通道設置

吳江縣所屬巡檢司八所

簡村 震澤 平望 澗谿
因瀆 長橋 同里 汾

湖

嘉定縣分鎮萬戶府在孩兒橋北

嘉定縣捕盜司在州治內西即宋讀書林基

嘉定縣所屬巡檢司三所中槎吳塘江灣

嘉定縣水軍萬戶府至正十三年立於太倉統鎮海靖

海定海三所

崇明縣水軍萬戶府

崇明州捕盜司在州治西扁曰晏然任子明書延祐間
判官丘揖建

姑蘇志卷二十五

欽定四庫全書

姑蘇志卷二十六

明 王鏊 撰

倉場

儲侍國家大計今具錄倉場而前代名跡存者附之以備稽考

本府永豐倉在閭門內即元舊址四面皆水知府刑宥重建廩屋九連共一百十七間各縣糧自起運之餘悉併儲於此凡蘇州衛官軍俸糧及各項公用俱於

此支給

祭酒陳鑑記永豐之為倉奠于閭闔門內以
侍長洲吳吳江崑山常熟五縣歲入之賦而

凡文武之士官于茲與夫介胄胥吏之徒之在官者
咸仰給焉倉址既隘浸弗能容屋久滋弊其何能侍
前郡守林侯一鶚嘗欲闢而新之遽以憲節蒞江右
乃止貳守王君仲顯盧君廷敬與二三寮友合辭請
于上詔下巡撫劉都憲顯攷遂以委之今郡守邢侯
克寬侯經營量度布位定方縣水置槩條列咸具又
有許溪倉隘其坤維徙而稍西地形乃方於是乎羣
工于來五材就緒授之成算無愆指畫弗為過侈以
傷難弗為苟成以傷易樸素堅好寔惟永圖倉之為
屋凡十有一聯三峙其北聯為間凡十有三峙東西
者其聯與間之數皆如此二峙其南其為間則視北
而贏其二聯為廩者三廩之為屋或四或五不一其
數聯又別為五小樓於屋極疏其櫺以泄米之氣屋
下地衡布以巨杉而閣以甍乃藉以厚版以糊地之

涇通為屋以間計者百四十有七以廩計者三十有三以千文字第廩之名天尊而北中據以專其一奇數也地卑而南分據以擅其兩兩偶數也天地定位於是自北而南復轉而北而東而西既而復東仍轉而西至於陽字而極焉廩貯米以斛計者多或至萬五六千少亦不下萬二三千通可貯四十餘萬歲費若干斛其所積可至七八年雖有凶荒之歲民可無菜色也北之左隙高揭一樓以司更鼓而守者知警焉繚以周垣首以重門以司出入而主者得以防範焉中為砥道抵倉之半則有廳事三楹司出納者得以蒞事焉此特取其少蔽風日故仍舊貫而已中門之外左為神祠以棲司倉之神右為寮屋以舍庾官之屬倉中之地空曠平衍可曬可晾可委可積收入之頃民尤便焉經始於天順甲申冬十有一月落成於成化丙戌春閏月工既訖功刑侯授簡俾紀其成嗚呼天下之事憚其難則慮事機之失忽其易則

非經久之圖惟勿難其難則無棄事勿易其易則無苟成茲永豐之為役亦大矣大必難難斯憚矣憚則弗為而止爾苟或易而忽焉忽則苟苟則易弊易弊則弗若弗為之愈也初邢侯之為是也忽罹歉歲人曰可以止矣侯曰吾豈無所用情於斯民者哉亦計之審矣先正范文正公救荒之策政欲使貧民仰給于公耳且今之為皆公帑之餘不敢傷民之財竭民之力以靡民之骨肉也彼無俚之徒皆得餬口公家不至為溝中之瘠顛不可乎既而民不知勞公無所擾而事隱然以辦覆瓦甃甃堅緻完美不為苟作凡所藏貯無久儲速腐之患而公私遠近罔不陰受其賜者矣論者於是始服其雅量之不可及也侯來吳二年小大之政罔弗咸宜乃今歲則大歉民心皇皇猶弗忍釋而他去者所賴以有恃怙也詢諸父老皆謂自我朝置守以來所未嘗有然即斯倉一事已足以例其餘況大者乎予故詳著于篇庶幾來者因此

以識彼且時其修葺謹其出納相與保之以無墮其
成亦可無媿乎侯之用心也若夫侯所過而入民之
深者則有甘棠之思在予奚容喙侯名宥克寬其字
東廣之文昌仕族子予同榜進士為明執法知台州
府轉
吾蘇

吳縣和豐倉在胥門內周圍一百五十畝有三門廩屋
三十六連共四百三十二間弘治十六年連灾焚廩
屋三連及廳事今繕完

長洲縣青丘席墟荻溪蘇巷濟農五倉皆在婁門內東
城下舊有東倉在葑門外王墓村西倉在閶門外九

都南倉在葑門外二十五都北倉在婁門外二十四
都宣德間侍郎周忱移建於此青丘厰四連四十八
間席墟厰四連五十四間荻溪厰四連四十八間蘇
巷厰五連六十間濟農厰四連五十四間

王直濟農
倉記蘇之

田賦視天下諸郡為最重而松江常州次焉然豈獨
地之腴哉要皆以農力致之其賦既重而又困於有
力之豪於是農始弊矣宣德五年太守况侯始至問
民疾苦而深以為憂會行在工部侍郎周公奉命巡
撫至蘇况侯白其事公惻然思有以濟之而公廩無
厚儲志弗克就七年秋蘇及松常皆稔公方謀預備
通朝廷命下許以官鈔平糴及勸借儲備以待賑恤
乃與况侯及松常二守協謀而力行之蘇得米二十

九萬石分貯六縣名其倉曰濟農明年江南夏旱米價翔貴有詔令賑恤而蘇饑民四十餘萬戶凡一百三十餘萬口盡發所儲不足贍田里多殍公復思廣為之備先是各府秋糧當輸者里胥皆厚取於民而不即輸之官逋負者累歲公欲盡革其弊以惠民是年立於水次置場擇人總收而發運焉視舊所納減十之一而三府當運糧一百萬石貯南京倉以為北京軍職月俸計其耗費每用六斗致一石公曰彼能於南京受俸獨不可於此受乎若請於此給之既免勞民且省耗費米六十萬石以入濟農倉民無患矣請於朝從之而蘇州省米四十餘萬石益以各場積貯之贏及前所儲凡六十九萬石有奇公曰是不獨濟農饑凡糧之遠運有所失及欠負者亦於此取借陪納秋成止如數還官若民夫修圩岸濬河道有乏食者皆計口給之如是則免舉債以利兼并之家是冬戶部以聞詔下蘇州克廣六縣之倉以貯焉宣德

九年江南又大旱發濟農米賑之而民不知饑於是相率詣况侯願刻石以示後人侯屬前史官郡人張洪疏其始末請余記予喜故為之書若其為屋若干楹儲米若干石典守者之名氏與其條約之詳則列之碑陰與諸縣皆載焉使互有考也

潞溪倉在閭門內以本縣各都在西境者又設此倉以便收納廩屋五連七十九間

義役倉在縣治西今廢

崑山縣玉峯倉在西門外舊有黃涇金潼等倉宣德間移建一處總名玉峯倉廩屋共六百五間弘治八年

知縣張鼎重建三十間九年本府同知李復貞續建五十間舊倉外設公館二所神祠一所今皆移置於內

預備糧儲二倉俱在縣治北廩屋三間收貯官糴糧米洪武間知縣周至道建廩屋五間永樂三年主簿梁杲重建

濟農倉在南門內二十九都廩屋一百三十七間宣德間設置收貯耗米

義役倉亦在南門總七厰屋三十間收貯役田義役等米用充官俸及支給買辦今廢

常熟縣總收倉在縣治西南二里基廣二百三十七畝

厰屋六十三連共三百七十八間

收十六都起至四十二都糧米

又

一在縣治西南二里基廣三百十七畝厰屋四十四

連共二百六十四間

收一都起至五十都并在城四隅糧米

俱正統四

年侍郎周忱改建

學士劉定之常熟縣東南三倉記夫蘇為郡土田膏沃賦入甲海內

常熟在蘇諸邑中尤地上賦多觀邑所以名則豐稔蓋可歲必良由近海潮汐消長自溝港達隴畝無旱

乾水溢之患然則治其田賦詎可忽乎舊時各鄉設倉散無統紀弊積于中正統間巡撫周文襄公忱縣設兩倉於東與南去郭甚邇且在水濱民便納賦官易典視弊漸減矣然築土為墉積茨以苦其成弗難隨毀亦易巨魁里胥歲斂于民以補苴之因而侵漁尤妨貧弱自周之後屢易巡撫重臣雖惡是而未暇改為今天子嗣統初令南京刑部尚書劉公孜以都憲踵周昔任甘令尹澤自監察御史廣西臺副來綰縣絃綱維舉張枏鑿契合其乃承劉符檄於是謀諸郡守邢公有捐俸于已鳩材于義易兩倉朽腐以堅木良甃豁狹址以廣之聳卑宇而高焉倉四方各有門門內各闢為塲塲各有官吏治賦之署名有貯米廩八十間合兩倉八塲計之六百四十間始事于丁亥五月乙丑落成于八月甲午民以賦來者入門而改觀瞻至塲而便委積會計明于署轉輸集于廩嚮者葺腐己之憂無所與焉助甘處畫是後者典史周從

善也叙其事實走价京師者義士劉傲也以傲來求文者邑士周中書紹榮也夫今郡縣使民弗獲遂休養庶富多由於稅賦無善政而然然則斯倉之成可無記乎記之非特彰修者美亦以俾後為政者思繼又使鄰封聞善者思倣則於民豈小補哉成化四年歲次戊子八月吉旦賜進士及第通議大夫工部右侍郎兼翰林學士永新劉定之撰

濟農倉去縣治北里許洪武間建初名預備倉收貯撥兌餘米及罰贖米宣德七年侍郎周忱知府况鍾又即宋順民倉趾建廩百間以貯平糴及勸借富民米二十餘萬石後漸增益復建廩四十間扁今名學

士王直記後廢弘治八年都御史朱瑄重建國子祭

酒李傑記

國子祭酒李傑記曰國以民為本民以食

王道而先於養民是誠有民社之責者所當先務而不可緩者也何者歲之豐歉無恒所恃者吾之儲蓄有恒古者三年耕必有一年之養九年耕必有三年之食而縣都之委積則有遺人掌之以待凶荒此所以雖遇水旱而民無菜色也今府州縣濟農倉蓋深得古人之遺意然其興廢則存乎有司之良否焉爾常熟縣濟農倉舊在城之東北隅為楹百有四十迤宣德間巡撫工部侍郎周文襄公所創建者也方是時積餘糧至二十萬石每歲以春夏之交散之先下戶次中戶秋成之後止如數輸官自是民免假貸於富室以出加倍之息田資之以治賦由之不逋公私利賴後有司漫不加意倉漸傾圯至成化初年而遺

址鞠為草莽有力者佃為己業鄰近者侵為私舍餘糧無所儲貯則寄於東南二倉一耗於侵欺再耗於汜腐而儲蓄蕩然矣先是巡撫都御史佾公嘗命工繪湖州府濟農倉規制授邑令俾圖修復未幾公遷少司徒還京事未克就弘治乙卯巡撫都御史四明朱公旬宣至縣詢及民隱首以是倉為生民休戚所繫命蘇郡節推麻城萬君分治常熟責以設法營建既而有貳守之擢君荷朝廷異恩又感巡撫公知已盡力而為之且知庫藏虛竭民力疲困迺籍遠年侵連糧料收禁於獄者得三百餘名召人保領限者鬻產以償五日一輸銀于官至貯於縣庫出納則君自掌之凡瓦甃木石之價工匠夫役之直皆於是乎取給適郡主洛陽史侯以公務至縣相與謀度區畫務為經久之計君往來督工不憚勤勩且擇義官數人分董之百需無缺眾力競勸不兩月而公廨五間倉舍六十間修已並建懼風雨之霍凌也四壁皆累之

以塽慮潤濕之蒸薄也離地而布之以版君又以嗣
是而後餘糧充羨不足以容方鳩工度材復圖增廣
至百二十間他若周圍之垣墉左右之橋梁道路靡
不修築完固官不知費民不告勞而續用當成人
心胥悅於是縣之耆老糧長里胥僉謂巡撫公恤民之
深郡侯謀畫之審貳守綜理之密蒞立之敏均不可
無紀述以示永遠迺奉重慶太守致仕沈觀瀾之狀
屬筆於予竊惟我朝洪武中縣設預備四倉以俟賑
濟皇祖養民之至仁良法萬世所當遵守者也四倉
廢而濟農之倉立實前賢所以奉宣上德而惠此下
民若之何又廢而不理乎況列聖軫念黎元一遇歉
歲輒下賑恤之詔有司以儲蓄之乏也束手無策坐
視民之流離困苦而莫之救食天祿治天民者固當
如是耶是倉之成後之為政者嗣而守之以時而修
葺之則常熟之民庶乎永永有賴哉為記之俾刻諸石

吳江縣總收倉在北門外三里橋西基地百餘畝正統間侍郎周忱移東方等四倉併置初糧米俱用筏囤收貯成化十六年知縣馮衡始建廩屋四十六連共三百六十八間

濟農倉在北門內侍郎周忱建廩屋五連共七十二間後又建官廳八間

義役倉亦在北門內永定橋西今廢

嘉定縣倉有四俱在縣治北門外一名萬積一名利益

一名豐寧一名通津每倉廩屋六連五十四間通二百一十六間各闢門道廳事俱正統間侍郎周忱命知縣祖述改建知縣蔣忠加葺

濟農倉在朝京門外又有新倉在朝京門內

廣儲倉在縣治西西隱寺前

太倉州倉在小西門內長洲橋南舊武寧菴地廩屋六連總六十一間先是為太倉鎮海二衛官軍俸糧有司輸納本衛委官收支正統八年設倉官一員隸崑

山縣委官按月收放弘治九年立州倉亦改隸凡州境之糧盡儲於此設官如舊

軍儲倉在長春橋西南即舊西倉總儲本府各縣起運糧米先隸嘉定縣委官放支官軍俸糧今屬本州

崇明縣廣贏大有倉在東沙舊皆篋國貯糧成化七年

知縣汪貴始於城隍祠側造倉四連每連厰屋五間

收貯四區糧米

重建廣贏大有倉記畧崇明蘇郡之屬邑東南岸海宿重兵禦倭寇糧儲

有司急務也徵以時斂以法而藏無其所可乎西沙二區已立倉矣東沙之四區則倍於西沙而倉不立

闕典也及成化七年夏知縣事永豐汪公貴率僚屬相址得城隍祠之偏地凡廣若干畝作倉二十楹左右對峙高亢堅壯繚以垣牆嚴以扃鐃槩斛斗升率置如度兵戎之食于是乎取給扁其左曰廣贏右曰大有記之以示來者恒山雪中

西沙倉廩屋十間收貯本沙二區糧米

永豐倉在縣北咸寧巷內初屬軍衛正統二年改屬本縣收糧支給官軍俸糧

濟農倉二一在縣治西南廩屋二十間一在西沙興教寺傍廩屋三間正統間侍郎周忱命知縣張潮建

天賜鹽場在崇明縣先為宋韓侂胄之莊嘉定壬午
移浙西江灣青浦亭戶過此煎鹽近竈處有天賜港
故名寶慶初撥隸淮東總領所元至元間改屬兩淮
運司後因韓莊蘆蕩坍圯益以梭兒等蕩十三處煮
納官鹽公廨在後舊縣東南隅地淪于海今遷於鄉
村十七圖在縣東南本場隸兩浙運司亭戶九十四
竈戶一百三十額丁三百五十六鹽倉三連共二十
二間

附前代倉塲

吳兩倉春申君所造西倉名曰均輸東倉周一里八步
後燒更始五年太守李君治東倉為屬縣屋不成見
越絕書

永昌北倉在子城西北六里五十步

西倉在子城西一百八十步疑即府倉也右祥符圖
經

南倉在子城西

新志又云府城內有北倉橋南倉橋
政和中朱勔折北倉而南倉久廢但

存倉

巷

北倉在閭門側皆前後臨流

盧氏云按續記每歲輸稅於南和糴於北以元

豐三年計之所糴無慮三十萬斛東南之計仰給於此農民亦賴官糴以平發價其利甚溥

府倉在飲馬橋西唐龍興寺故基

常平倉義倉續會要淳熙十三年提舉羅點言常平

歸仁兩倉貯米當一路之半而倉屋傾斜乞於見椿

管官錢內撥一萬貫起蓋從之

盧氏云景德三年初立常平於兩浙慶厯

初王琪請建義倉

歸仁倉報功倉淳熙元年韓彥古勅專儲歲計已上
並在府倉內

戶部百萬倉在閭門裏西倉開禧三年勅以府職曹
官兼嘉定二年始命官專掌以都司提領憲司措置
東倉嘉熙末勅

平糴倉在營橋東淳祐五年魏峻以壯城廢營改勅
趙與峕書額提
舉常平鄭霖記

寶祐百萬倉在至德廟後寶祐五年趙與憲請建
二

百五十間浚河通舟直抵
倉岸置官與東西兩倉同

本府糴納倉在府治西景定五年趙與峕立有亭在
其前

元常平倉在顧亭橋

西成泰和二倉即宋舊百萬西倉也大德三年省創
始分為二

大盈寶成二倉即宋寶祐倉大德三年省創分為二
大德和豐二倉即宋百萬東倉大德四年分為二香

糯倉在西成倉後

義倉在東城下

盧志云大德永豐廣濟大盈泰和五倉即元舊倉也按今有更襲姑志舊名如此

崑山縣宋縣倉在縣東北百步常平倉在縣西南二百八十五步

常熟縣宋順民倉在縣治東臨漕渠治平二年向宗旦建紹興四年常平使者徐誼慶元三年承傳良四年

孫應時各新之嘉熙元年王爚益地增創

郎淑常熟縣新建順

民倉記治平二年河內向侯作新倉成常語予其始終曰吾至之初見太守永川陳侯席未煖陳侯

曰常熟大縣也考其民板之數至四萬戶歲輸之粟至八萬石有倉汙庠迫窄纔容四分之一濱江之民遠者百里水浮陸走輶載而至倉或既盈則累數夕而不得輸于州又病其遠此一不便職是歲常散蓄于浮屠之居廊廡皆滿蓋藏弗謹塗墜弗完得無有以誨盜哉此二不便蓋遲君之來也久矣君亟圖之君退而自惟倉廩之出入一皆仰給於東南茲又為東南之劇歲入之粟它郡莫加厚焉吾邑雖不腆其敢後其所先務邪矧其弊又如此之甚宜陳侯有以告吾也及吾視事之日見吏民間其所疾苦尤為不便者凡幾然而獻計者又皆不出吾陳侯之議也於是訪縣方北得隙地數十畝以營築焉始召民而諭

其所以作之之意民既病此久矣莫不奔走以聽命
咸願治材于家請期日合衆材以成之既而至期倉
遂以成予謂二侯皆能以材名于世所至莫不著見
風迹至於興利去害便民皆其所素畜沛然而有餘
夫以沛然有餘之材相與協謀治其因民所欲之後
其成也宜其不勞而功多其榜曰順民蓋得之矣若
夫世之從政者利害較然居前畏謗忌讒認認然不
肯一日出其力則有謗曰愛民斯不遠哉夫愛民莫
如古人古之人有為豈天作而地生斯亦出於民而
已耳姑視利害之如何豈顧可為而不為迺曰愛民
哉此大不然昔者子產嘗以其乘與濟人於漆洧孟
子謂之惠而不知為政凡以此也向侯亦以予言為
然因刻之于石俾來者考焉時熙寧元年三月
十一日將仕郎前守沂州臨沂縣縣令郎淑記

常平義倉在順民倉北廡

元際留倉在縣治東北順民橋即宋舊倉也

嘉定縣宋社倉在護國寺東端平二年建官倉在富廩坊端平元年建元際留倉在州治內延祐五年任立建常平倉與捕盜司相直蘇州府太倉在太倉州城南張涇上洪武二十六年勅凡九十一廩共屋九百十九間收儲海運遼東北京等處糧至永樂十二年罷海運倉遂廢今改勅為太海倉

東軍儲倉在周涇橋東洪武十九年勅

崇明縣元永豐倉在儀門左常平倉在州治前捕盜司
東

驛遞

驛遞之制見於諸司職掌甚詳蘇為江南要路凡
使傳公移水陸行者晝夜憧憧不絕此驛遞鋪舍
之設皆當列焉

姑蘇驛舊名姑蘇館在胥門裏河西城下宋紹興十四
年郡守王喚建又作臺於城上以姑蘇名之臺下有

百花洲洲東有射圃

本朝洪武元年知府何質移置盤門外初名姑蘇站

提領一人掌之二年改站為驛提領為丞

舊又有一所在府治

西謂之裏館驛永樂間以交趾人為丞專典裏驛正統初革去丞易館為分司 成化九年知

府邱霽重改建於胥門外基半築於水廣袤數十丈

背城面河氣勢宏敞北有延賓館後有樓曰昭賜可

以登眺丘自有記驛之右有皇華亭左有月洲亭相

去百步為使客憩息之所

丘霽記姑蘇驛有二一在府治西一在盤門外丞一

人總領之郡當南北要衝授館致餼者無虛日而府西驛已久廢盤門者存亦就弊矣且去府治遠禮賓往來上下告勞霽假守是郡之明年思移置之請于巡撫大臣曰可請于巡按御史曰可遂度地胥門外逋運所之南負城面河地頗陜弗稱乃植木水中為澆柱作石堤三面凡四十六丈廣地得從八丈衡如隄而殺丈十六建屋六十楹皇華亭據其前後又重屋名昭賜之樓著所自也燕休登覽盡得山川之勝庶幾乎所謂中吳之偉觀也仍撤舊材更新運所門與驛並費不出民皆自規措役凡十閱月而告成於乎禮賓眠館三代之政也晉惟崇館子產與之陳無寄舍單子譏焉矧茲大邦焉可不備霽不敏承天子休命來綏茲土安敢妄自菲薄亦為所得為而已是役也其容已乎雖然成之亦不易也來者尚嗣葺焉逋運所在胥門外元作逋運站洪武五年改今名成化

九年丘守因建姑蘇驛始撤而新之與驛並列又設濟民藥館凡往來有疾者於此給藥

接官亭在閭門外普安橋西送迎使客之所亦洪武初何守建

松陵驛舊在吳江縣治南洪武元年移建儒學之左天順八年重建

平望驛在吳江縣南四十五里唐屬吳興郡為水馬驛西至南潯五十餘里與烏程縣分界開元間蘇州者

民請於刺史吳從衆割太湖洞庭三鄉與吳興易焉
又官河從平望驛北吳縣界元和間湖州刺史范傳
正奉敕釐開又撥入蘇州吳縣洪武元年撥隸吳江
縣

寧海驛先在太倉大西門外吳塘橋東洪武十七年設
宣德六年縣丞吳仲郢移置崑山縣半山橋西景泰
間知縣吳昭重建弘治六年御史吳一貫奏革今為
公館

府前總鋪

在本府西東至婁門利民鋪一十里西至胥門鋪三里南至盤門鋪五里北至齊門無量

鋪一

十里

胥門急遞鋪

在閶門外新開河橋內官路上

楓橋急遞鋪

在府西十里吳縣十一都官塘路

射瀆急遞鋪

在府西北二十里長洲縣一都

澹墅急遞鋪

在府西北三十里長洲縣二都

張公急遞鋪

在府西北四十里長洲縣六都

白鶴急遞鋪

在府西北五十里長洲縣五都北抵常州府無錫縣界

盤門急遞鋪

在府南五里
吳縣一都

白蓮急遞鋪

在府南十五里長
洲縣三十一都

尹山急遞鋪

在府南二十五里
長洲縣三十一都

柳胥急遞鋪

在府南三十五里
長洲縣三十一都

觀瀾急遞鋪

在府南四十五里
吳江縣南三里

徹浦急遞鋪

在府南五十五里
吳江縣南十三里

廟涇急遞鋪

在府南六十五里吳
江縣南二十三里

梟腰急遞鋪

在府南七十五里吳江縣
三十三里石塘廟涇北

長老急遞鋪

在府南八十五里吳江縣南四十三里石塘裊腰橋北此分二路一路從裊腰

鋪往南嘉興路一路
從朱家鋪往湖州路

黎涇急遞鋪

在府南九十三里吳江縣南五十三里平望黎涇橋北

雙里急遞鋪

在府南一百三里吳江縣南六十三里平望南雙橋北官塘路自觀瀾至雙里

七鋪洪武九年知縣王
進建又南係嘉興府界

朱家急遞鋪

係平望轉西往湖州路去黎涇鋪一十里吳江縣西南六十三里荻塘道成橋

西湖
州路

道成急遞鋪

西去朱家鋪一十里吳江縣西南六十三里荻塘道成橋西

衆安急遞鋪

西去道成鋪一十里吳江縣西
南七十三里荻塘衆安橋西

思范急遞鋪

西去衆安鋪一十里吳江縣西
南八十三里荻塘思范橋西

曹村急遞鋪

西去思范鋪一十里吳江縣西南九十
三里荻塘曹村橋東又西係湖州府歸

安縣
界

無量急遞鋪

在府北十里長洲
縣五都常熟塘

周涇急遞鋪

在府北二十里
長洲縣十五都

羅壩急遞鋪

在府北三十里
長洲縣十四都

船塢急遞鋪

在府北四十里
長洲縣十三都

吳塔急遞鋪

在府北五十五里常熟縣四十八都吳塔村

潭塘急遞鋪

在府北七十里常熟縣南四十四都華蕩口雲和塘

常熟縣前急遞鋪

在府北九十里在常熟縣前

利民急遞鋪

在婁門外去府東北十里長洲縣二十三都至和塘

蘆涇急遞鋪

在府東北二十里長洲縣二十一都

蕭涇急遞鋪

在府東北三十里長洲縣二十一都

六市急遞鋪

在府東北四十里長洲縣十九都

真儀急遞鋪

在府東北五十里崑山縣朱塘鄉三保東村造彼字圩

尤涇急遞鋪

在府東北六十里崑山縣積善鄉二保可字圩

崑山縣前急遞鋪

在崑山縣前宣化坊去府東北七十里

馬涇急遞鋪

在府東北八十里崑山縣東十里惠安鄉三十保宿字圩太倉路

喬子急遞鋪

在府東北九十里崑山縣東十里惠安鄉三十保民字圩

勝安急遞鋪

在府東北一百里太倉州西十里惠安鄉女字圩此分二路一路太倉十里一

路往南去嘉定路上張涇鋪一十里

太倉州前急遞鋪

在府東北一百十里舊在太倉衛前屬崑山縣惠安鄉劍字圩今移

在州前自真義鋪太倉州前共七鋪洪武二年崑山縣知縣王瑾建

諸涇急遞鋪

在府東北一百二十里太倉州東十里惠安鄉來字圩崇明路

井亭急遞鋪

在府東北一百三十里太倉州東二十里湖川鄉餘字圩崇明路

皇華平匯二亭在飲馬橋東北岸

望亭驛去郡北五十里先名御亭唐李襲為守以梁庾

肩吾詩改稱

庾肩吾御亭一回望風塵千里昏青袍異春草白馬即吳門劍戟梗伊洛兵馬

亂輟轅輦道同關塞王城似太原休明鼎尚重東禮國猶存殷牖爰雖曠堯城更轉尊泣血悲東走橫戈念北奔方馮七廟略誓雪五陵冤人事今如此天道共誰論白樂天望亭驛酬別周判官何事出長洲連宵飲不休醒應難作別歡漸少於愁燈火穿村市笙歌上驛樓何言五十里已不屬蘇州許渾宿望亭驛

寄蘇州同志候館人稀夜更長姑蘇城遠樹蒼蒼江湖水落高樓迥河漢秋歸廣簾涼月轉碧梧移鵲影露低紅葉濕螢光西園詩侶應多思莫醉笙歌掩畫堂李從一南浦菰蒲覆白蘋東吳黎庶逐黃巾野棠自發空流水江燕初歸不見人遠樹依依如送客平田渺渺獨傷春那堪回首長洲苑烽火年年報戍塵九里亭見幽明錄宋吳縣賈升為九里亭吏

元姑蘇驛即宋姑蘇館址增飾之左有通波亭右有公君亭大德五年摧毀董章新之元統元年張蒙古岱構亭于南扁曰春澤後至元二年慶通建館及橋扁

曰來遠其北館曰瞻儀亭曰凝香南館曰賓賢

方回姑蘇

驛記畧紹興初有舊姑蘇館在盤門內河西城下今
改為驛嘉議大夫平江路總管真定董侯新之夫蘇
為孔道陸騎水舫供給良進大德五年七月朔颶風
為患太湖之水幾入葑門市井荒涼傳舍蕭索如是
三閱月而董侯至首新郡治次新姑蘇驛曰館曰驛
曰站名三而義一新三站而其地一馬站曰光遠傍
為思政亭水站曰賓賢傍為通波亭以至遞運站鞍
轡舳艫僕從烝徒之湏無一不飭惟樽瓶盞坐卧飲
食土器無一不具又開驛馬大路平廣十餘里出城
與盤門外橋相接大書姑蘇驛三字扁之而他題顏
皆侯老筆侯至郡未幾男女異路貞信有別獄訟鮮
少道不拾遺城社屏迹巷無鄭聲酤糴烹庖物饒價
平究其所以然則知侯公退之暇不入內闕清坐絃
歌每過夜分作善教二十四條父老刻梓大抵以觀
課農桑敦厚風俗為急務所以新己之心者既至於
新民之心何有若姑蘇驛之新宜大書宜特書侯名

章字文卿學者稱為小菴先生嘗守當塗年六十有五博學尤精於春秋云

姑蘇馬站在館驛北

姑蘇水站在胥門外

遞運站在胥門外

接官亭在閶門外

急遞鋪總鋪在府治前平橋側

宋觀風館在崑山縣西南三百步李稠建嘉泰間改名全吳驛後廢地隸縣學近民館在縣東淳祐庚戌項

公澤建新江驛亦在縣境

南北驛在吳江縣北堂宇百餘間極宏麗紹興十八年

詔建專為國信使頓宿又有吳江驛平望驛則今仍

之者也

張祐吳江驛山色遠涵空蒼茫澤國東海明先見日江白迥聞風鳥道高原去人煙小徑


通那知舊遺逸不在五湖中方干便向中流出太陽嫌疑大岸逼浮桑門前白道通天闕浪裏青山占幾鄉帆勢落斜依浦淑鐘聲斷續在蒼茫古今悉不知天意偏把雲霞媚一方張祐平望驛一派吳興水西來此驛分路遙經幾日身去是孤雲雨氣朝忙蟻雷聲夜聚蚊何堪秋草色到處重離羣李迥平望驛懷李從實周鉞二故人蘆葉風多驛堠長昔年攜手上河梁青雲才子驚鴻秀白石山人芝朮香華驥欲陪

先道路大川斯濟戢舟航少微星動桂枝發重正孤
帆過水鄉元薩都拉左帶吳松右五湖人家笑我隔
菰蒲風濤不動魚龍國煙雨翻成水墨圖越客卧吹
船上笛吳姬多倚水邊壚鑑湖道士如招隱一曲它
年得
賜無

通越亭在南門皇華亭在北門期月亭郵亭在城隍廟
前

登津館在嘉定合浦門護國寺西景定三年常懋建其
館在朝京門內東端平元年鄭士頴建淳祐九年林
應炎修改扁練溪驛

元海道接官亭在太倉州天妃宮門左



姑蘇志卷二十六

欽定四庫全書

史部

姑蘇志卷二十八

詳校官編修_臣曹振鏞

檢討_臣德生覆勘

總校官知縣_臣楊懋珩

校對官中書_臣李斯咏

謄錄監生_臣譚世緯

欽定四庫全書

姑蘇志卷二十七

明 王鏊 撰

壇廟上

吳中祠廟列祀典者祝文並從內降歲二祀或一祀惟其功德之宜而郡人所私祀亦或有義故悉列之若郡縣常祀已具洪武禮制此特著其建置歲月耳

本府社稷壇宋置子城西南四里元移置盤門外洪武

初改建於長洲縣閭門外石牌巷尋遷吳縣義慈巷

初附郭二縣在宋亦有社稷壇今皆統祭于府

宋孫應時

長洲縣社壇記古之制祀以社次郊郊尊而社親尊故天子專之親故達於庶人非土不國非穀不食故有社斯有稷勾龍於土棄於穀厥有大造開濟萬世故以為配春秋祈報之外救災出火師田行役獻功戮罪君民上下日相與聽命于社禮樂刑政於是焉出故曰明乎其義治國其如指諸掌乎世衰王制壞古義隱妖妄百出而祠廟蠲興褻天蠹民幻為淫威日盛月滋上之人不以禁又縱史之天下郡縣雖通祀社稷世守不廢以為三代之舊章然獨其制度之形似儀物之文具而已有司者一歲再祀民不與觀也民於社日或各從其俚俗鼓舞迎享醉飽相樂不知其何人且何禮也水旱禳祈奔走如織於社稷闕

如也嗚呼知古者得無嘆息於斯乎今令甲守令下車必視社稷飭壇墠而遵用或寡且諉曰小祀祀亦不親其事至若倚郭之縣自為社於闌闕偏仄之間往往城裂最甚長洲縣之社在吳郡城內當縣治西南四十九步荒毀有年慶元四年九月知縣事天台黃侯宜一治新之壇宇中度門垣靚深塗巷觸闕身率僚吏時祀必謹黃侯儒者為縣如古循吏多善政可誦此其細事若不待書雖然愛禮者存羊因今之制存古之意君子重之縣實小侯承天子之命司社與民固未有忽畧社稷而能父母其民者也然則凡黃侯之善政乃自社稷壇始予是以記之因詔來者知所繼焉六年八月記

風雲雷雨境內山川神壇在吳縣一都盤門外宋在吳縣西南四里元徙葑門外洪武間再移于此

郡厲壇在長洲縣九都虎丘山前

鄉厲壇

長洲縣在城附郭鄉都共七百一十所
吳縣在城附郭鄉都共五百一十所

城隍廟在武狀元坊內相傳為周瑜故宅即雍熙寺基也
洪武三年建

旗纛廟在蘇州衛治內每歲霜降日本衛官致祭

已上係通祀

至德廟祀吳太伯在吳縣閭門內漢永興二年太守麋

豹建於閭門外

或云韓整
守吳所創

宋元嘉中劉損為郡修葺

後梁乾化間吳越錢氏始徙置於此宋元祐六年黃履奏改今額元符間制封至德侯崇寧初進封王乾道初知府沈度重修又作至德橋洪武中改封吳太伯之神春秋祀之祝文曰三讓至德民無可稱周基

八百由斯而成

宋曾幾乾道重修記在禮祭法聖王之制祭祀其法五其人之應法者十

有四皆古大聖賢有大功烈於民者非此族也不在祀典夫以大聖賢有大功烈而祀之固宜然祀有所爲其施於民又厚厚施不報神其不吐之乎報之之道不獨牲牢酒醴而已千里之邦必有祠所社稷則有壇先哲則有廟後世於廟尤極其尊嚴崇像設儼侍衛見之者凜如也水潦必祈旱暵必祈皆長吏之

常事應而有報亦事之常儻入其門陟其堂神所馮
依曾不足以障風雨區區樽罍簋盞何施之厚而報
之薄歟吳門巨藩神祠之載祀典者十數而泰伯廟
為雄甚東漢永興二年郡守麋豹肇建於閭門外吳
越武肅王錢氏始內徙之國朝元祐間太守黃履歷
考前政若梅詢若范仲淹若孫覺輩數公淫潦有祈
靡不響答列其事於朝有詔號至德侯建炎擾攘鞠為
臣吳伯舉請䟽上爵有詔封至德侯建炎擾攘鞠為
灰燼厥後草創殆無以揭虔妥靈今天子拔沈公為
尚書郎以直秘閣尹是府至則訪及民利病以次罷
行之具為政寬嚴詳簡允蹈厥中治人事神罔不祇
肅隆興二歲天作淫雨害於穡事民不奠居乾道改
元春三月公飭躬齋祓走祠下而祈焉神顧饗之是
歲麥以有秋府從事請具牢醴以謝公曰不敢廢也
然曷足以報萬分之一於是邦人合辭而進曰侯之
施甚厚而廟貌不治之日久人懼神或怨恫祥慶弗

下願悉力而改造之公曰是吾心也洎日協辰得夏五月庚戌吉乃致昭告乃鳩良工斥少府之餘合私橐之助瓌材堅甍櫺比墉崇宏舊址直高棟抗修梁藩垣階所盡革而一新之觀繪之容若欣欣然有喜色民無老稚相扶攜以觀厥成皆以手加額曰美哉輪焉誠足以塞民望而報神施矣風霽雨休禾則大熟秋九月甲子落成幾就養府下目視祈應為不誣公屬幾紀其實既牢辭弗獲其若虛公之辱是終無以揚休事而告後人也於是乎書左通議大夫充敷文閣待制致仕曾幾記潘凱淳祐重修記淳祐壬子春凱奉聖天子命來司臬于吳詰暴審刑罔敢怠弛既又懼民之不見德也領事三閱月載以禮款泰伯祠顧瞻徘徊屋老苔荒喟然嘆曰至德者百世祀吏奉弗虔何以存古已而趨兩廡下土妖木魅詭形罔象造以淫厲汙以佞慝編氓苟福禍膜拜乞靈滋磨劍好勇之習仍斷髮文身之訛端委雍容之氣象孰

識之俗不美利不溥良有以夫退惕然弗寧亟戒其
屬曰崇明祀禮也黜非鬼義也某日度材某日鳩工
某日撤祠之非類者乃攻乃葺乃像仲雍季札侑泰
伯祀越月告成率僚吏三獻焉烏乎世澆俗衰馬蠶
猫虎之靈往往嚴事之猥瑣奸回尸而祀者肩相摩
也豈復知禮樂鬼神之與哉泰伯之血此祠尚矣特
以盛德至善民弗能忘堂皇之修不修龐雜之屏不
屏於至德乎何損乃若辨禮息刑宣尚德化正人心
而興民風者吏獨不任責乎昔唐狄公持節江南毀
淫祠千七百所留夏禹泰伯季札伍員四祠凱視狄
公無能為役而是廟適在典領抑邪扶正不得辭廟
舊在閭門外錢氏徙今址故有禘田一十八畝今益
五十九畝有奇歲入粟五十有五石飯浮屠以守儲
其贏為修祠備俾勿壞并敘其系自古公至友為世
三十三刻之石諡來者攷焉其年日南至承議郎直
寶章閣兩浙西路提點刑獄公事潘凱記皮日休詩

一廟爭祠兩讓君幾千年後轉清芬當時盡解稱高義誰敢教他草莽臣陸龜蒙故國城荒德未荒年年椒奠濕中堂邇來父子爭天下不信人間有讓王張詠至德本無名宣尼以此評能將天下讓知有聖人生南國奔方遠西山道始亨
英靈豈不在千古大江橫

吳相伍大夫廟在吳縣盤門內舊在縣西南三十二里胥山上即子胥死處俗云胥王廟宋元嘉三年吳令

謝詢始徙廟入城宋建中靖國間太守吳伯舉重修元大德三年嘗著靈異特增為忠孝感惠顯聖王至正間廉訪僉事李仲善別立廟於胥門上

鄭元祐記

後仍

立今廟成化十五年廟燬御史劉魁重建每春秋祀
之祝文曰孝以雪讎忠以報國白馬素車威靈赫奕
梁簡文帝立國資孝本循忠全令名舟車多奇計蘆
中復吐誠偃月交吳艦魚麗入楚兵九功推妙算千
載藉餘聲洪濤猶鼓怒靈廟尚淒清行潦承椒奠宮
懸雜鳳笙無勞晉后璧詎用楚臣纓密樹臨寒水跡
靡望遠城窓寒野霧入衣帳積苔生惟有三春鳥歛
翅時逢迎張詠胥也應無憾至哉忠孝門生能酬楚
怨死足報吳恩直氣海濤在片心江月存悠悠當日
者千載祇慙魂高啓弔子胥辭覽勾吳之故墟兮灌
莽鬱其麓從館娃廢而為沼兮歸伍胥之遺宮奚千
祀而弗毀兮繫若人之死忠昔窮逋而渡江兮奮孤
跡於羈旅旣入郢而雪恥兮又棲越而據侮使彼吳
之强大兮非夫子而孰為何夫差之自喜兮遽忽戒

而荒娛陳昌言之惘歎兮寔不忍視國之阡危衆以
子為巨信兮肆讒辭之詆欺夫豈不能全身遠邇以
自庇兮顧先王之舊德卒待隕而何言兮恨終不能
寤君之嬖惑載鷗夷兮浮游覓惇惇兮在中流江神
為子兮哀憤鼓洪濤於高秋嗟君子之出輔兮孰不
願為伊臯使言從而志行兮致雍熙之陶陶何齟齬
而多患兮惟重華之不可以屢遭鄂侯諍而就醢兮
龍逢諫而見屠蓋自古而有之兮匪夫子獨罹乎此
事身雖歿而義安兮又舍是將焉索彼循默而苟容
兮寧獲免乎此厄想子猶念夫故都兮或乘雲而來
歸顧荆棘之多露兮應攬涕而歔歔余亦何為而感
慨兮懼直道之墜也聊陳詞而表烈兮亦邦人之志
也沈周詩忠臣有廟千秋祀伯業無蹤一餉烟入幕
靈風猶颯颯侵階細草自芊芊存亡好在鷗夷內慚
愧當於幘冒前倚壁題詩重惆悵寒鴉飛散夕陽天
○城頭伍相祠堂好眼見香爐生紫烟吳沼已成花

寂寂楚陵何在樹芊芊一時遺事千年後此日清談斗酒前落鬼布袍冠蓋未悲歌亦得倚秋天

靈濟廟祀白龍神在長洲縣陽山澄照寺初廟在山顛
太平興國中移建於山南曹巷熙寧九年又遷于此
建炎間主僧覺明重修紹興二十九年賜今額乾道
四年奏封龍母為顯應夫人今載祀典春秋祀之祝
文曰托育著靈變化不測興雲致雨普濟萬物

漢會稽太守廟在吳縣木瀆址穹窿山南祀漢朱買臣
也世傳買臣負薪往來木瀆嘗藏書於此故傳此為

藏書廟今肖像衣冠猶存漢制

王汝玉記

漢韓將軍廟在城中官瀆橋南按漢書橫海將軍韓說與朱買臣同受詔在吳中治樓船破東越有功即其人也

漢任使君祠祀唐刺史任昭慶也在天慶觀即今之玄妙觀唐名開元宮宮為任所置故道流祀之慶厯中

觀燬其像猶存

嘗考漢任延為會稽都尉聘高尚勉孝行周窮急多有善政而民祀之此

或是延祠而誤云爾

晉顧元公廟祀驃騎將軍顧榮也在長洲縣黃天蕩東以其墓在此故其地稱為顧墓元知縣周舜臣重建

元周伯琦顧元公祠堂碑吳城之東六里有丘焉曰晉散騎常侍顧元公之墓至是千有五十四年矣吳人謂之顧榮墓又以地形如鳳名鳳凰嶺墓前故有祠歷歲滋多蚩氓雜祀他鬼褻而弗虔過者病之毘陵謝應芳氏避地其側睹茲汙黷惕焉不寧請於長洲令真定周君舜臣修祀而釐正之復徵工改剏祠宇新構設具器用秩然完飭祠前故有二墩植以梧桐名雙梧墩以張華嘗稱公為鳳鳴朝陽也他日應芳介江東薛毅夫熊進德謂余文于麗牲之碑史稱公機鑒絕人器識超朗有文武長材始與陸機兄弟入洛號三俊方歷朝署自効值宗室相殘宮輿播遷乃沉酣晦迹崎嶇而南屬陳敏阻兵竊據溧陽姻族

盤固雖俯首受署佯順風旨而潛誘同心昭諭大義
卒延司馬氏不絕之緒其功不可少也王導表為江
南之望有以哉或謂公與賀循齊名陳敏之亂循以
老疾不起疑與公異轍嗚呼守道者以全身為潔徇
義者以致身為忠未可重輕之也永嘉之際運祚屯
厄其奸詭險驚擅權流毒者後世唾斥不啻鬼蜮若
公之忠義而功在天下世所追慕瞻瞻不已豈可以
人力致哉記曰以勞定國則祀之顧公是已作迎送
神詩俾吳民歌以享焉其辭曰羣岳之望兮岱宗南
土之望兮顧公岱之雲雨兮歲以豐公之忠義兮功
無窮邑有賢宰兮新其宮率吳民兮潔齋以恭千載
一日兮人心同樵蘇遠路兮馬鬣為封公不死兮精
誠上通永望于吳兮配彼穹窿鳳凰翺翺兮棲彼雙
桐吳人追慕兮嘉慶是蒙教我以忠兮繫疇之功至
正二十五年仲冬朔旦高啓詩軍司有國秀機神風
超朗弱冠遊京洛已蒙南金賞崎嶇諸王幕沉湎務

遵養中罹廣陵艱計服匪誠枉風雲一揮扇義旅臻
同響事成恥言勲飄然理歸鞅晉社始東遷羣賢悉
收獎道謁真感會矯翼丹霄上德聞一代稱跡泥千
齡往時屯乏良佐英謨益堪想墳祠託荒郊蕭條並
榛莽堯童侵雨隧淫巫闖塵幌大夫過停轅式瞻為
含愴衣冠復故貌筵几陳新享寡劣忝鄉人因歌表
退仰

東山廟在虎邱山門內東麓祀晉司徒王珣珣與弟司

空珉捨別業為寺故寺中立祠祀之又立西山廟於

西以祀珉珣廟又稱短簿祠今居民皆祀為土神

高啓

詩下馬空林問廟扉衣冠寂寞掩塵幃
不能復使桓公怒莫怪年來祭客稀

晉陸內史祠在長洲縣相城益地鄉祀晉大將軍右司馬陸雲士龍也雲為郡人因督糧過吳婁地見歲侵以所督糧盡賑饑民後遇難民感其惠以衣冠葬此立祠祀之成化中里人沈貞吉重建

宋羊太守廟在子城前烏鵲橋南劉宋時羊玄保守吳廉素寡欲去後民思之故為立祠

唐甫里先王祠祀唐處士陸魯望也在長洲縣東五十里甫里白蓮寺即其故宅或云卒後就葬其旁廟食

于此嘉定十七年錢塘龔時備別建祠于左元至正

間縣尹馬玉麟重建

齊東野語云白蓮寺魯望祠堂其像設皆當時物咸淳中有盛

氏子醉仆其像於水滿腹皆平生詩文藁也知府倪普置盛罪更為塑像其腹藁不復得矣宋胡宿甫里先生碑銘君子之無所失道與世而汗隆聖人之不滯於物因時而遷徙達則奮庸而兼濟否則懷默而獨善堯舜許由昔賢標一揆之論禹稷顏子先民有同道之說繼世而作易地則然自風流之聿頽固先靈之不屬中古以降作者寔繁舊史所存孤風可見咸能自潔身累脫去世紛耕巖石以相高蹈山林而不返語其玉立之節姑得而云體彼道勝之韻蓋亦無幾若乃揖紛亂而高謝標耿介而長往漁釣一壑寄傲無何之鄉鼓吹六經圖芳不朽之事非夫高雅淑靈粹溫簡正疇可以議夫是矣先生陸氏諱龜蒙

字魯望笠澤之幽居者也吐崇嶽之符倬生民之俊
溫其如玉而不加雕琢淵乎似道而無所澄撓神茂
初學聲冠當世屬土行標季天宇驛騷俎豆委而不
收干戈尋而未已先生嘆深鳳鳥志劇鴻冥刻密函
谷之闐鼓柅滄浪之水棄去驕君之餌謝絕畏友之
方於是上會稽探禹穴由臨安僊室歸長洲茂苑之
下樂松江甫里之勝乃嘆曰時無明主安能宗子施
於有政是亦為政退而賦考槃之詩且有終焉之計
蘿草開徑為臨江之居剪地作堂傲在鄒之宅南直
岍峯之色西帶重湖之光孤雲無心白鳥可狎道素
自處物累不嬰好事之流或載酒而相訪雅遊之子
時欵關而請見戶外之屢常滿席間之文屢啓稻田
一廛歲供薪水之費魚陂數頃日充庖膾之事至若
金樞之月靜夜赤城之霞啓旦花瀨不遠蘋風甚快
先生則必飾輶牛之乘戒白鶴之舫招來僧社之舊
申命朋簪之盍泛覽節物從容談燕筆牀硯格靜置

於左右琴歌酒賦相繼以晝夜擊銅鉢而賦詩指石
鼎而聯句清溪之曲亦復何窮白雪之倡其和益寡
飄然聲利之表自適仁智之樂真所謂風塵之外物
天地之逸民者也加以癖好聚書本皆有副得以傳
寫則烏欄不計其費躬加校正則鷄距未嘗去手亡
一簪而不戚以百城而自喜雖張華海內之祕班超
禁中之副無以過也由是富擁多文優入聖域絀六
經之妙論泛九家之清流摘發異聞多黃香之不見
沉研精義皆郭璞之未詳此又稽古之宗師博物之
淵藪也若夫言不詭聖志在拂世英辭闕楊朱之塵
高論攻墨翟之守潤色夫子之際煥乎有章潛心大
業之中卓然不類斯又三代之遺英萬世之先覺也
自頃元和而下風什陵喪多哇之響甚喧大雅之作
幾墜先生收五際之長波駕四始之高蹈綜制萬變
入道奧而惟深刻彫衆形等天機之不滓微言之緒
既墜正始之音復聞時皮公日休以高文大筆為世

元儒先生幅巾過從一面如舊相與文酒之間坐忘
形骸之外凡所賡唱溢于几筵莫不研幾深以繹志
叩虛寂以成韻天才艷發縟體交變褻踣之性百鍊
而不耗大韻之音九變而彌雅居然嗣響蔚于中興
其命世傑出之雄乎昔子山覲閔辭多主於悲哀韓
非遭亂書頗露於孤憤屈平怨刺託方物以寄懷虞
卿窮愁慨詩書而見志何自待之未厚將不遇之所
興切泥淵高曾未髣髴密而不雨嗟乎西郊之雲瑞
非其時異哉東魯之獸至於青編紀素尚之節鏤板
昭炳蔚之文雖與日月爭光金石共盡可也宿仰企
風徽積有年齋經涂所出舊址有焉歸然靈光鞠為
茂草慙交照之不接悼園秀之無聞亦猶歷高唐者
想綿駒之謳過夷門者感侯生之事蹈揚盛德其庶
幾乎銘曰仰以觀文少微之位含德葆光淪精毓粹
倚歟先生鍾厥靈氣郁哉懿文倬然上智五代尋戈
三靈塞霧鶴在衛軒紉盈漢路哀鳳成歌冥鴻曷慕

長洲苑下松陵水邊內樂名教中有聖賢擁書萬卷
挾藻千篇江山豈助造化無權名理之言有補於世
清尚之風未墜於地壤樹俄空壠書不至清暉眇邈
幽靈潛翳鞠草寔繁杞車增欵講樹已彫琴臺久墜
茫茫太素英魄兮何歸
杳杳終古香名兮獨飛

廣陵王祠祀吳越中吳軍節度使錢元璪威顯公祠祀
元璪子節度使文舉二祠俱在薦福山北鵠壽聖院
即其葬處也

宋翰林王公祠祀宋王禹偁也公嘗為長洲宰天禧四
年子嘉言復宰長洲作堂祀之後又建真堂於虎丘

藏小畜集其中知州康孝基撰碑景祐間范仲淹守
郡常為之贊後其子純禮易之而去淳熙九年知縣
曾栗復繪公象而祀之黃由題記仍刻歐蘇黃三公
詩贊于石慶元間令黃宜又作堂於縣治東偏名企

賢堂由復記之互見官宇

范仲淹讚昔王文正公曾居相位二十年未嘗見愛

惡之跡天下謂之大雅冠萊公準左右天子安中外
保社稷天下謂之大忠樞密馬公知節有犯無隱天
下謂之大直此三君子一代偉人也公與三君子深
相交許情如金石則公之道可知矣宋黃由記孟子
之言大丈夫曰富貴不能淫貧賤不能移威武不能
屈蓋古之所謂大丈夫者必有高天下之識容天下

之量蓋天下之氣不得志則獨善其身得志則未嘗不欲行其道秉田委吏不敢辭卑而盡吾職之當然及乎立人之本朝則謀王斷國以身徇義死生禍福不足以動其心此豈尋常瑣瑣者所能為也後世徒見古人功名鼎盛以為是出於偶然不知胸中涵養蚤正素定非一朝一夕而紀旂常汗簡青特其蘧也內翰王公元之自為布衣已慨然有經綸天下之志洎遭明時事聖君正色立朝凜凜乎不可犯文忠蘇公至追配以漢曹六君子平生大節載在信史夫人能言之若夫服勤小官孜孜民事言誼卓然有大過人者國史逸其傳或不得而紀也公以雍熙改元宰吳之長洲首論榷酒之弊懼遺斯民之害以至激風俗而厚教化抑兼并而哀流亡形諸壁記而垂詔後來者大帥皆有深旨非涵養之厚不以職守大小貳其心者能若是乎公沒二百年邦人雖知公之有德於民莫有發其微者今總鄉賴川曾侯臬德寬來宰是

邑始求公像繪之而併鑱歐陽蘇黃三公詩贊于石
嘗屬余叙其大槩矣蓋曾侯之去十有七年天台黃
君宜寔來拜公遺像而且歎祠事之禮猶闕乃闔縣
治東偏建堂而奠焉而求文以為記竊謂公之雄文
直道暴白天下豈待余之文而後信况獲附名於三
公詩讚之尾尚復何言昔王文公介甫宰鄞有聲利
興害除民甚便之其後坐廟堂臨大政乃用其所以
治鄞者而治天下惜其學術喜同惡異故為相聲名
減於邑公則不然自令滿召試再陟諫坡三登掖垣
而晚入翰苑危言讜論裁抑冗費禁戢游惰緩刑薄
賦修德厚本終始為上言之而愛民之意出於一轍
咸平以來卒為名臣然則繇百里之政充而至於致
君澤民果有異乎哉長洲為今壯縣令宰名德前後
相望其間因是有聞而登宰輔者豈公風流在人于
今未泯邪黃君舊同學校知其人不苟為政三年去
之日如始至燕居之所未嘗葺而獨於此焉悵悵可

謂知所
本矣

忠烈廟在太平山白雲寺宋文正范公先祠也公之先
自徐國公而下三世葬此山宣和五年慶帥宇文虛
中始奏賜今額本在邠慶緒州南渡後陝隴隔絕改
奉於此每歲上已有司致祭今祭於城中書院此廟

則子孫享焉正統間重修

元年獻記公自睦移守鄉
郡再省三世松楸不但漢

人過家上冢之榮而已嘗即白雲菴奉香火洎登政
府得追封三世置墳寺始改菴為白雲寺祀徐國公
唐國公周國公先是元昊據靈武納旌節僭位號威
脅諸羌肆為邊患朝議舉兵攻討公守邠慶諸郡有

功諸郡與屬羗皆立生祠繪像以事其終也屬羗酋
數百舉哀僧舍哭之如父三日乃去宣和間慶帥宇
文虛中以郡人思公不忘祠事甚謹奏賜額忠烈廟
他有舊額皆易新榜紹興失秦隴慶陽廟貌邀在他
方始改奉于天平山每歲上己三司率僚屬郡博士
率前序偕來致祭廟久頽毀至元乙酉主祭邦瑞提
管士貴共議重建取義學餘米歸之義莊為土木費
司計邦翰宗遜等佐之其年四月既望新廟成丙戌
二月既望率族奉安前設文正公像內設三國公神
儀廟凡十楹黜堊丹漆備極壯麗供具皆完好大德
甲辰行省聞于朝禁治煩擾崇奉尤嚴於是士賢以
書抵嚙俾記厥成謫焉末學固辭弗獲惟昔文正公
在朝聞延州危急自請代張存直欲委身不測之地
人以為難嚙竊謂未若公上百官圖詆宰相為張禹
雖觸盛怒坐以越職曾不少沮為尤難蓋不顧其一
身之利害禍福故能內肅朝綱外亢方面謚曰文正

廟號忠烈如是之偉也是宜作銘詩刻石列廡下其辭曰南陽諸葛蜀漢再造志決身殲民哭陌道乃廟汚陽成都夔子號曰忠武西人悲喜相傳尚記讖雙誅郤於惟文正異世同轍雖老益壯雖死不忘精忠盛烈夏日秋霜昔討靈武皇威遠加聲勢震焯推其角牙忠烈有廟參錯西土公像在堂莫予敢侮天平之山白雲之泉公歸自西廟貌宛然誰寔新之偉矣柱石上公之服揚休山立內祀先公爰備廟制維坦啓宇光榮三世式濟世美忠宣弟昆粵至斯今代有賢孫迺厚義廩迺廣義學同志合慮新廟攸作潔我牲醪率我宗黨揭虔妥靈默通肝鬢公在帝旁玉虬旣駕神遊逶迤馭風來下佑我後人俾熾而昌廟祀是保千載奉嘗鄭元祐詩西望層巒草木青魏公祠下拜儀形經綸有策迴天地憂樂無時忘國廷異代蒸嘗遵典禮故山香火下神靈浮雲變滅知何在開聽楸風語塔鈴倪瓚魏公祠宇青山麓崖石龍從森

古木山下居人幾世孫泉道瓜綿分譜族太湖之水
去悠悠異代蒸嘗春復秋吁嗟濟世安邊計今日誰
先天下憂高啓開閣陳言對御筵共言天子得時賢
纔陪上國趨廷內遽撫豪羗出塞邊松栢自依先壠
廟稻禾猶滿義莊田古來直
道終難合何必深嗟慶厯年

濂溪祠在萬壽寺西濂溪坊內祀宋周元公茂叔初茂
叔孫興裔以和州觀察使駐劄平江奏立祠於吳縣
胥臺鄉後其裔孫文英南老屢復而卒廢正統元年

幾世孫淵等始遷于家

泰和王
直記

孫學士祠在萬壽寺天聖中直史館臨江孫冕守郡有

善政吏民敬畏立祠祀之

章莊敏公祠在報恩寺東即章太師家廟公名棠涇原
禦夏寇有功徽宗賜廟于懷德軍額曰忠烈嘉定末
其孫請立于此後為天妃廟

和靖先生祠祀尹肅公焞也在虎丘西庵焞紹興中嘗
讀書于此扁所居曰三畏齋嘉定七年知府陳希始
繪象祠之九年郡人孟猷等又遷于上方通幽軒之
南提舉吳格割公田四十畝為修葺之費今廢改祀

于學宮

宋黃幹新建尹先生祠記和靖尹先生寓居平江府虎丘西菴榜曰三畏齋去之七十有

五年郡守直祕閣陳君希通守太學博士丁君煥始度菴空地為屋繪先生像祠焉尊前賢厲後學也先生諱煒洛陽人年二十師程子舉闈策士議誅元祐黨人不荅遂棄舉子業靖康初以布衣召不至詔褒為和靖處士洛陽陷家殲焉先生死復蘇竄長安山谷中逆豫以禮聘溺水逃去展轉蜀道累年紹興初以崇政殿說書召凡二十辭八年冬始入見除祕書郎明年遷太常少卿權禮部侍郎每遷輒辭其冬除徽猷閣待制提舉萬壽觀辭不已遂奉外祠即虎丘以居年已七十矣後二年竟沒於會稽之寓舍先生所寓於世如此蓋嘗考先生之所學篤於踐行不為虛語未嘗求人之知人亦莫能窺其所蘊今其可見者經惟進講門人記錄耳惟即其所寓於世者勸其所處然後知先生之於道卓乎不可及矣至於歷險

難之極而不變處貴顯之驟而不動抱仁戴義終其身而不悔非盛德能若是乎程子之門從游之士皆宏博俊偉極天下之選而於先生亟稱之其察之審矣里巷小人顛冥於利害之塗不足道學士大夫則知義理矣臨利害毫髮即棄其所守聞先生之風得無少愧歟二君為是祠亦名教所係故述其躬行之大節以示學者庶幾驗之於身而有得云嘉定七年六月既望記黃士毅重遷祠堂記平江府虎丘西菴和靖尹公先生祠者嘉定甲戌今軍器少監丁公燭通守吾邦之所創也初在山之西北隅後二年貳卿孟公猷聞有殯在西階之上甚懼非所以祓不祥而致蠲祀之誠者告于刑獄使者柴公中行乃屬長洲丞趙君崇侃即上方通幽之軒南闢地而遷焉蓋先生寓居之所也知府事沈公皞悉資其役為堂三間西向羣山前列環隴近護老木修竹交闕左右高明靚深稱祀如昔甫成而柴公以召去王公涖繼之復

摹先生晚歲片紙手書聖賢格言五千餘字刊置兩序常平使者吳公格割公田四十六畝俾住菴者為增葺費孟公以始創遽遷盍有以示來者命士毅書之士毅昔登朱子之門獲聞先生之學嚴於持守之本用力之真體驗之熟復發主一無適之旨至講說而不踐行則為虛語問答而少差失則至誤人與夫未至於磨不磷涅不淄則不可如聖人之見南子之類皆務簡實而戒謹恐懼之意隱然於其間未嘗不三復警省今茲祠事仰止遺像如親炙之必求先生之學而學焉是乃興起之方豈曰小補之哉既次其畧輒附所聞如此然自先生來居積七十有五年未有表其事而出之者而二三年間其後再舉始克就緒則感夫事之難成而俾終弗壞焉以興起於無窮者又有待於後之君子也先生居之歲月出處之大致已詳於黃侯幹之前記是役也始於四月甲午而訖於六月庚戌實丙子歲云

知州事少師閬州陳公省華大卿葉公參祕閣嵯縣姚
公憲三祠並在虎丘雲巖寺乾道五年郡人立教授
陳伯震記今廢

參政張公巖祠在瑞光寺初光福民張氏聚其族人抄
掠侵暴三十餘年莫能禁止巖與知吳縣華延年捕
寘于法郡人圖其像祀於寺中併祀延年表曰賢守
令祠郡士許知新記

尚書吳公淵侍郎吳公潛學士趙公與憲三祠在承天

寺三公皆嘗為吳郡人祀之吳祠嘉熙二年立黃
簡記趙祠寶祐四年立袁萬頃記今並廢

楊和王廟祀宋將楊沂中在城習義鄉孝廉里沂中有
別館居此後人因祀之

知軍事轉運使趙公希懌祠在穹窿山南因其墓而祀
之

已上先賢

包山廟在洞庭西山唐咸通間郡從事皮日休禱雨有
應與陸龜蒙皆有詩今飛僊金鐸植里渡渚諸山皆

其別祠也俗稱包王廟

皮日休白雲最深處像設盈巖堂村祭足茗糲水奠多桃

漿箸遷突古砌薜荔繡顏牆爐灰寂不然風送杉桂香積雨晦州里流波漂稻梁公惟大司諫憫此如發狂命予傳明禱祇事實不違一奠若盱蟹再祝如激揚出廟未半日隔雲逢澹光雙雙雨點少漸收羽林槍忽然山家犬起吠白日傍公心與神志相向如玄黃我願作一疏奏之于穹蒼留神千萬祀永福吳封疆陸龜蒙靜境林麓好古祠烟靄濃自非通靈才敢涉羣僂峯百里波浪香中堂蕭鼓重真君具瓊舉鬢鬅來相從清露濯巢鳥陰雲生畫龍風飄橘柚香日動幡蓋容將命禮且潔所祈年不凶終當以疏聞特用諸侯封

太湖水神廟在洞庭銷夏灣水心俗號水平王廟宋知

軍州事胡宿嘗奏列祀典神像與几案皆石為之鄉

人祀之甚至其地本水中一洲嘗與水平雖巨浸不

沒故名衆安山湖中多有此廟舊傳神為漢雍州刺

史郁君廟即其廨宅

又郁史君廟在衡山毘陵古云水平王舊傳后稷庶子佐禹平

水至會稽誨人浚導因祀之又水平王廟一在吳縣西北八十里一在吳縣西北二百里

五龍堂在今長洲縣東南唐真元中建

李紳記

宋淳熙間

賜額靈濟廟紹興四年勅封第一東靈侯第二西成

侯第三中應侯第四南平侯第五北寧侯

宋淳熙十年即守耿

秉以父早齋祓祈雨越三日有小龍如蜥蜴見於五龍神位香案果釘上蜿蜒不去秉與約三日內雨當奏請廟額翌夕大雨事聞詔賜額靈濟自是郡中水旱守官投鐵牌於祠前潭中必獲響應又吳地記云石龍在龍壇里其壇并潭猶存今水南之地皆為蔬圃又有石名定花板為龍宮所有者昔人嘗於居民金氏船坊水底見之其方不踰丈中作錢文四角有雲氣但以塗泥不得詳辯耳

水僊廟在子城東南古蒼龍堂神即柳毅也今為上元

鄉土社祠頗著靈異

一在城西鴈蕩村

靈官廟舊名靈順行祠在胥門內朱家園名上善菴宋

嘉定二年建

一在西米巷名如意菴嘉熙四年重建一在葑門外臧渡橋北紹興間建一在

吳江

五通廟在吳縣西南十五里楞伽山

一在崑山縣東南三百步俗稱五郎

堂一在嘉定縣大場寺東一在崇明縣鹽場內

關王廟祀漢壽亭侯關雲長也在武狀元坊東大街元

甲午歲道士李原祐建

一在常熟縣西至正二年建一在崇明縣東沙寶慶觀之

左

玄壇廟在玄妙觀前神姓趙名朗字公明與關聖同時

即趙雲子龍之從兄弟也

一在義慈巷內一在嘉定縣西廣平橋一在崇明縣

西北

六里

江東神祠在報恩寺西教場內神姓石名固秦人也漢
祖六年灌嬰略定江南至贛城神現于某山告以克
捷之期士卒駭異凱還牲酒歛謁立廟贛江之東至
吳孫氏遷神於吳境祭之時有饒歌五章見樂府今
在吳城頗著靈異

金天王廟在城東南隅楊和王賜第園中

昔人於廟傍
土中掘得斷

碑有金天王三大字又有沈傳師兼御史大夫祕書
卿貢進士十餘字每字二寸許按唐初封華山神為

金王而傳師蘇人
也故附會祀之

猛將廟在中街路仁風坊之北景定間因瓦塔而剏神
本姓劉名銳或云即宋名將劉錡弟嘗為先鋒陷敵
保土者也嘗封吉祥王故廟亦名吉祥菴互見寺觀

一在閭門南濠一在文德
橋東一在嘉定縣馬陸鎮

祠山廟在雍熙寺東

一在崑山縣永懷舊寺
內一在崇明舊縣治前

顯應行祠一名李王廟在葑門內宋咸淳中創神姓李
名祿長興童莊人累封福濟顯忠等號進侯爵吳城

內外多有之或云即名將李顯忠

一在常熟縣致道觀西廡下名李烈

士廟初理宗時吳興潘壬作亂事聞發兵將屠其城神夜見夢於帝及丞相史彌遠遂宥脅從一城獲全泰定間道士鄧道樞塑像於此遇有災患禱之輒應

總管廟在蘇臺鄉真豐里神汴人姓金初有二十相公名和隨駕南渡僑于吳歿而為神其子曰細第八為太尉者理宗朝嘗著靈異遂封靈祐侯靈祐之子名昌第十四初封總管總管之子曰元七總管元至正間能陰翊海運初皆封為總管再進封昌為洪濟侯

元七為利濟侯

一在閩門外白蓮橋橋西一祠祀元王積翁亦名總管廟一在盤門外僊

塘橋下在常熟縣致道觀一在嘉定縣安亭鎮

晏公廟多在閩胥二門軍營內元以其陰翊海運封平浪侯今漕運官兵猶祈賽之

何山廟在何山南祀白龍并土社神紙錢廟在靈巖山西伏龍岡下白馬廟在香山西白馬寺前皆祀本境土穀之神

皮場王廟在府治西成家浜上神本東京顯神坊土神

累封明靈昭惠祐王

燕國夫人廟在府治東南燕家橋吳孫權乳母陳夫人

捨宅為通玄寺同光中移今所今開元寺亦有其祠

淳祐中提刑胡穎拓四酒務隙地為射圃鑿河見古墓得石函上刻燕國夫人篆字舊傳酒務即夫人宅

慧感夫人祠舊名靈祐廟在郡城承天寺護伽藍神也

一在吳江聖壽寺

林戊碑陰記元符元年歲在戊寅夏吳中大旱徧禱郡祀畧無應者

是歲高田不穫人多暍死負販之民皆捨其業而以售水自資涉冬至二年春夏之交舟車益不通百貨湧貴城中溝渰埋塞發為疫氣通判軍州事朝請郎祝公適領郡事迺用故事早暮分禱于所宜祀者一

日會承天寺客言此乃梁衛尉卿陸僧瓚捨其第為之昔號廣德重玄寺陸卿故有女子不嫁經營其事既死祠于寺之東廡開寶中吳越忠懿王朝京師道出吳江大風幾覆舟見女子拯之自言郡重玄寺之神也本國加封號感應聖姑今里中事之甚敬公聞即謁且言明日致禱既歸宿齋于廳事舉家沐浴疏食相約得雨而後復膳黎明躬至祠下再拜而言曰郡承連年之旱流亡疾疹相乘而作農事失時歲且大饑雖某有罪獲戾不逃然將為國家之憂神其哀之能即致雨尚可救也屏息聽命寺僧獻兆曰神告即雨衆甚不然憮然而退憩于齋堂左右告曰天油然作雲矣未及命駕注雨應至老幼驩呼於道至有不忍以簦笠自庇者即日盈尺闔境告足自爾有請必應如取所寄邦人無復水旱之憂歲大有年乃具事白于外臺使者以聞詔書褒美特封慧感夫人秩視公侯列于典祠按陸氏得姓於齊宣王之少子至

漢有字伯元者仕為吳令遷豫章都尉既卒吳人思之迎其喪葬于晉屏亭子孫遂家焉伯元生襄賁令盱眙生本州從事鴻鴻生南海太守建建生本州從事曄曄生御史中丞京兆尹璜璜生弘農都尉文文生親親生穎川太守尚書令閎閎生桓桓生楊州別駕續續生襄襄生吳城門校尉紆紆生九江都尉太學博士駿駿生選選生尚書瑁瑁生穎穎生海隅令濯濯生漢公漢公生列列生本郡從事元之元之生高平相員外散騎常侍英英生晉侍中太尉興平康伯玩玩生五丘尚書侍中始始生祕書監侍中萬載萬載生宋東陽太守子真子真生濟南兗州刺史惠曉惠曉生梁太常卿倕倕生衛尉君凡二十餘世冠冕不絕皆有才德名在史冊自興平康伯至祕書監父子兄弟五世內侍嘉祥積慶挺生夫人惟夫人其生也精修正潔入清靜海其歿也通于神明有感斯應故能致朝廷報稱之禮甚厚既以詔書刻于石將

求老於文學之士為之記以傳不朽稽紳耆老且請紀其事於碑陰乃為之敘云戊嘗聞朝請公元祐間以奉朝議郎知臺城雨暴濤沱河水盛漂泛林木室廬蔽而下水及城門雉堞凜然將決老弱皇恐奔潰調急夫督水工雨且不止人無所施其力公迴朝服涉濤立于隄上鞠躬申禱水溢隄壞相去數尺吏民救止公豎立不動以笏叩頭願以身任之於是雨小止水波稍回河流遂復其所潰陷之地明日復為平陸如故使者方欲言諸朝會公秩滿請罷遂已北方之人至今能道其詳惟公憂國愛民所至以誠心格物如此是可書也故附于左元符三年歲次庚辰秋八月乙未朔十日甲辰布衣林戊記范至能記按元符三年林戊記云梁衛尉卿陸僧瓚捨宅為寺有女不嫁既死祠於寺之東廡開寶中吳越王朝京道出吳江大風幾覆舟見女子拯之自言重玄寺之神本國加封感應夫人郡人於此祈子頗驗元符初夏旱

人多暍死明年疫癘繼作通判祝安上攝州事禱神致雨歲大熟事聞詔封慧感夫人政和二年曹斐記賀鑄書中吳記聞云安上除知台州至錢塘將濟夢一婦人告以風濤之險明日果覆舟數十獨安上得免嘗有祝史竊廟中懸旛繫其身環走殿內自言某實盜也夜半踰城還家神靈潛制于此建炎中金人入侵居民有事之者夢神告以兵難不數日城陷軋道三年秋禱雨有應父老顧安時上其事加封慧感顯祐善利夫人
參攷范至能記

聖姑廟在太湖包山上舊傳晉王彪二女長號聖姑次素姑常着屐涉水而衣不沾濕相繼卒人以為靈而

祀之

韋應物龜頭山神女歌龜頭之山直上洞庭連青天蒼蒼烟樹閉古廟中有蛾眉成水僊府沉

沉行路絕蛟龍出沒無時節
兔同魍魎潛太陰身與
空山長不滅東晉永和今幾代
雲髮素顏猶矜陰
沉靈氣靜凝美的礫龍綃雜瓊珮
山精水魅不敢親
昏明響象如有人蕙蘭瓊茅積烟露碧窻松月無冬
春舟楫經過奠椒醑巫女南音歌楚些碧水冥冥空
鳥飛長天何處雲隨雨紅蕖綠蘋芳意多王靈蕩漾
凌清波孤峯絕島儼相向鬼嘯猿鳴垂女蘿皎雪瓊
枝殊異色北方絕代徒傾國雲沒烟消不可期明堂
翡翠無人得精靈變態狀無方游龍宛轉驚鴻翔湘
妃獨立九疑暮漢女菱歌春日長始知僊事無不有
可惜吳宮空白首皮日休洛神有靈逸古廟臨空渚
暴雨駭丹青荒蘿繞梁招野風旋芝蓋饑烏銜椒糈
寂寂落楓花時時鬪鼯鼠常云三五夕盡會妍神侶
月下留紫姑霜中召青女俄然響環珮條爾鳴機杼
樂至有聞時香來無定處目瞪如有待覓斷空無語
雲雨竟不生留情在何處陸龜蒙渺渺洞庭水盈盈

芳嶼神因知古佳麗不獨湘夫人流蘇蕩遙吹斜嶺
生輕塵蜀絲駁霞碎吳綃盤露勻可憐飛燕姿合是
乘鸞實坐想煙雨夕兼之花草春空登油壁車窈窕
誰相親好贈玉條脫堪攜紫綸巾殷勤撥香池重薦
汀洲蘋明朝動蘭
櫂不翅星河津
已上土人私祀

姑蘇志卷二十七